

Ta parce cu tur dia moral publico ta haya otro bofta

CASO AMANTE DI MIEMBRO DI PARLAMENTO OTRO HECHO CUESTIONABLE

ORANJESTAD (AAN): E caso di un amante extranhero di un Miembro di Partido cu ta sostene Gobierno den Staten ta haya basta atencion. No pa motibo cu ta bay drenta bida priva di ningun hende pero pa motibo cu aki ta trata di un asunto cu mas aspecto cuestionable ne. E

caso aki ta bolbe demostra cu tur dia moral publico ta bay mas atras.

E caso di un Miembro di Parlamento kende lo tin un sirviente extranhero embara ta haya atencion. Esaki den vista di e hecho cu informacionnan ta indica cu intencionan lo a worde haci pa saca

e sirviente di Aruba despues cu a bira conoci cu e ta embara.

Di e forma aki otro acto di caracter lamentable ta keda registra na Aruba. Pa colmo e Miembro di Parlamento a duna muestra cu e no conoce Ley pasobra Ley

ta existi pa ora un extranhero sali embara e percura pa e yiu no nace na Aruba. Si embargo Ley no ta habri caminda pa un trato inhumano di ningun ser humano manera un sirviente tambe ta.

Varios instancia ta discuti e suceso aki. Vocero di e sindicato FTA a bisa cu esaki ta e tipo di casonan cu nan a denuncia na fin di aña ora de facto FTA a puntra unda moral a keda na Aruba.

Ta worde haci como si fuera ta algo normal a socede y cu nada malo y contra e moral reconoci pa Aruba a tuma lugar. Esaki ta algo cu no por. Informacion concreto ta worde busca dor di diferente instancia manera FTA cu a duna di conoce cu e comportacion aki ta loke hende mester cuestiona y loke mester worde rechaza.

E grado halto di tolerancia den gobernacion y den

Parlamento pa loke no ta permisible no por mas. No por ta cu Parlamento y Gobierno no ta tuma medida ora casonan inaceptable den cuadro di moral y bon conducta tuma lugar.

Mester aña aki cu bida priva di ningun hende ta asunto di otro. Pero si tin indicacion cu mal uso ta worde haci di un posicion of funcion publico contra un hende mester tuma pasonan concreto y corecto pa asina comunidad tambe haya e ehemplo kico ta rechazable y kico ta aceptable.

Gobernantenan y Miembronan di Parlamento mescos cu personanan den funcionnan publico mester comprende cu nan pasonan ta bira ehemplo pa comunidad y cu nan tin un responsabilidad moral enfrente comunidad. Si nan no por carga e responsabilidad aki nan ta faya.

Dia 31 di Januari otro reunion clave ta tuma lugar na Caracas

AINDA DUDA TA RONDONA CONCORDE HOTEL

Cadena internacional lo bay haya maneho di e hotel

ORANJESTAD (AAN): Ainda no tin claridad total entorno Concorde Hotel cu a haya un doño nobo. Duda ta keda existi y diferente informenan ta colga ainda den aire manera e posibilidad cu e doñonan nobo lo pone operacion di e hotel den man di un cadena internacional.

Segun informacion dia 31 di Januari lo tin un reunion clave na Caracas entorno e destino di Concorde Hotel. Aparentemente e doñonan nobo lo tin cadenan internacional interesa den operacion di e hotel y lo tin e inclinacion pa pone e operacion completo den man di un grupo internacional.

Kico esaki lo significa entre otro pa e trahadornan ainda ta desconoci y lo mester sali na cla dia 4 di Februari ora un reunion entre e doñonan di e hotel y e trahadornan tuma lugar.

Pa e trahadornan tin hopi

punto cu ainda no conoce claridad. E asunto di pago di cesantia na e trahadornan ainda no ta cla. De facto e Ley di Cesantia no ta aplicable pa e trahadornan pasobra nan doño di trabao a keda mas empresa cu solamente a cambia di doño. E doñonan nobo lo kier paga cesantia pero bao condicionnan cu ainda no ta conoci pa e trahadornan.

Inclaridad encunto fu-

turo di e hotel ta keda existi y awor preguntanan nobo ta surgi kico lo pasa si e hotel bay worde opera y dirigi pa un grupo completamente nobo.

Originalmente a worde pensa cu December lo a trece claridad pa e trahadornan di Concorde Hotel. Esey no a socede y ainda e trahadornan ta biba den duda. Awor ta spera Februari yega pa mira kico ta bay pasa.

UN CAMA DI MATRAS TA MIHOR CU UN CAMA DI ASFALT

ORANJESTAD (AAN): Un patruya atento a topa cu un homber drumi riba carretera den marduga.

Esaki tabata na altura di e Centro di Barrio Brazil, y e homber tabata morto na soño.

Pa evita cu auto lo por pasa riba e homber aki polis a lanta e homber for di su soño profundo y a transporta D.C.

di 46 aña pa su cas caminda e por a drumi riba matras enbes di cama di asfalt.

**WINDT U ZICH OOK ZO OP
OVER 'T RENDEMENT VAN
UW AIRCONDITIONING?
CARRIER AIRCOSYSTEMEN
WUIVEN U DE KOELTE TOE.**



#1 IN AIRCONDITIONING.

CHC Bel Uw Carrier distributeur voor meer informatie.
Technical Contracting & Trading Company N.V.
Sta. Martha z/n, Tel. 31413, Fax 31312

CAROLINE FASHION

Windstraat #38 dilanti Hospital bleuw

**Orario: 9am - 7pm
NONSTOP**

**SPECIAL
BOOTS
50%**

**Probeta
dijon**

50%

DESCUENTO
ARIBA TUR
ARTICULO